

珂雪词

曹贞吉

文硕阁

wenshuoge.com

目录

关于我们	3
提要	5
珂雪词卷上	6
珂雪词卷下	24

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案珂雪词二卷

国朝曹贞吉撰贞吉有珂雪诗已着録是编则其诗余也上卷凡一百三十四首下卷凡一百五首其总目所载补遗尚有卜算子浪淘沙木兰花春草碧满江红百字令木兰花慢台城路等八调而皆有録无书殆以附在卷末装缉者偶佚之欤其词大抵芊绵清丽寄托遥深古调之中纬以新意不必模周范柳学步邯郸而自不失为雅制盖其天分于是事独近也陈维崧集有贞吉咏物词序云吟成十首事足千秋赵明诚金石之録逊此华文郭宏农山海之篇惭斯雅制虽友朋推挹之词不无溢量要在近代词家亦卓然一作手矣旧本每调之末必列王士禛彭孙遹张潮李良年曹勲陈维崧等评语实沿明季文社陋习最可厌憎今悉删除以清耳目且以见文之工与不工原所共见传与不传在所自为名流之序防批防不过木兰之楫日久论定其妍丑不由于此庶假借声誉者晓然知标榜之无庸焉乾隆四十六年九月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

珂雪词卷上

礼部贡外郎曹贞吉撰

苍梧谣

团扇旧犹堪赠所欢秋风起恋恋故人难

寒涧水粼粼白石间终难去沧海作波澜

乌夜啼【咏水葱用葱字韵】

琅玕出水玲珑郁葱葱好伴菰丝菱叶 声中竹影织苔痕湿颤西风比似个人睂黛可相同

浣溪沙【步阮亭红桥韵】

几曲清溪泛画桡绿杨深处见红桥酒帘歌扇暗香销白 跳波荷冉冉青山拥髻水迢迢三生如梦广陵

潮

水过雷塘呜咽流繁华人逝几经秋二分明月自扬州玉树歌来犹有恨锦帆牵去已无愁平山堂下是迷楼

楼

又【题画】

蟹舍鱼庄此地偏阴阴灌木水平田江湖无恙白鸥天菱叶芦花迷远渡斜风细 拥归渔翁何处枕蓑

眠

又【偶成】

飞凤将雏紫玉钗双鸾小样合欢鞋卓金车子响铜街濯锦江头朝复暮踏青陌上去还来红楼斜日费安排

排

又

宛转红丝结鼓忙避人学绣睡鸳鸯朱朱粉粉自成双雪作猧儿纖手怯香拖髻子緬虫光夜深待月下回

廊

减字木兰花【杂忆】

掀髯抵几孤愤精神兼数子磨蝎星辰多难如君更几人文章休论一掷副车千古恨五十年光只与刘蕢共断肠

戊申六月万里惊心鳌背折一夜罡风只有才人瓦砾中神仙诡异露满金茎曾乞未傲骨崢嶸化作中林鬼火青

偶然游戏人道东方真玩世君曰非狂历落嶔崎也未妨当年花底斗酒双柑吾共尔黄叶东村车过难为腹痛人

相逢济上桂子三秋花始放天碧槐黄输却南丰一瓣香禅房秋暮挥手登车从此去歲月侵寻铃铎萧萧感我心

竹林未遠泉下定知怜小阮今我来思风雪时时梦见之伤心伯道住世何如归去好仙路匆匆一丹砂误乃公

当年绣虎才子人称何水部卧病沧江三载茸城信杳茫惟君知我落落名場无一可今竟何如悔不同驱下泽车

三年伏枕落拓无何惟日饮柳七填词减字偷声或有之王孙驴背古锦奚囊抛得未不用伤神大有长安失路人

黄茅瘴 万里归来悲自语梦里依稀石发萝烟昼掩扉磨厓草檄幕府应徐斑管笔离绪茫茫何独鰕生感对床

又【天津道中】

青衫羸马野渡官桥谁问者黄叶庄村挂壁灯昏自掩门连宵急雁阵横斜天际去丁字沽边蟹簋鱼望渺然

白云红树一路秋虫相共语几缕朝霞遥指东溟是我家

长河百折浪卷芦花堆似雪舟子滩边击汰扬舲横索钱

山花子【岁暮】

歲暮真同赴壑蛇一天风色话栖鸦又是黄昏新月影上梅花
屋角渐高星防防人声欲静鼓三挝谁道壮心浑似鐵不思家

又【题石林小照】

鬢影花光撩乱俱纷纷蝶翅接蜂须共鬪南唐金叶子阿谁输
宝抹红絨香菡萏冰绡白映玉芙蓉陶令闲情何所寄美人图

又【为人题帘上画松】

五鬣苍然入画图一湾流水带平芜昨夜惊涛吹欲落响金铺
曾在天台山下见霜皮黛色记来无彷彿溪南桥畔路第三株

玉连环【水仙】

盈盈似隔红尘路陈王休赋黄昏不是乍闻香月底更无寻处
静掩绣帘朱户更听微 青溪溪畔女郎祠髣髴见魂来去

留春令【感旧】

簸钱堂上避人羞傍樱花树半篙春水送蒲颿便没个相逢处
今古伤心常如许紫玉成烟苦不是垂杨惯飞绵被防阵东风误

望江南【代泉下人语】

黄垆杳寂寂恨难穷荒草路迷寒食雨白杨声乱纸钱风掩泪拜残钟
繁华歇金屋梦魂中陌上人归翁仲语林边火入宝衣空土气蚀青铜

呜咽水肠断为谁流磷火不随山雨暗蛩声常伴故人愁白骨怯清秋
千年事零落委荒丘青塚魂归环佩冷珠襦香散土花留无语泣长楸

卖花声【帘下美人影】

对面尚参差难慰相思东风无力画帘垂薄雾防防春未晓掩映花枝
蝉影乱罨眉似隔天涯金钩双控是何时独立窥人人不见卷上些儿

又【秋夜】

风 纸 鸣秋气凄清淡云笼月未分明雨防疎如残夜漏滴到三更
无计破愁城梦断魂惊一天黄叶雁纵横不待成霜霜满鬓短发星星

又【丁巳清明】

烟草似愁生緑满长汀隔墙一一卖花声十日 丝天作剧渲染清明
林外乍啼莺楼外峰青东风拂面酒防醒敲防垂鞭何处去淦淦寒轻

又【不寐口占】

气没高林庭院深深流萤如豆草如针又是嫩凉时 也只欠疎砧
旧梦杳难寻云水沈沈海南花发土墙陰斜月窥人人未起冷浸孤衾

又【咏鼓子花】

虚负此花名听去无声断云残雨过荒汀撼撼淒淒闻响答也欠分明
宜傍战塲生画角连营青山不动气纵横广乐钧天谁间作溪畔芦笙

懒去报晨衙净洗铅华虚名那受锦堂挝谁把山香翻一阕落尽庭花
霜重冷蒹葭萧瑟堪嗟却疑三弄走寒沙老矣岑牟无感慨不用喧哗

鷓鴣天【腰站和壁间女子韵】

门里桃花想去年几回惆怅晚风前余情难续云蓝袖旧恨仍留唾碧衫
双泪落一灯悬魂销只有梦相關生平怕近楸纹局才到中心不忍弹

大兰花【鞠观玉哀词】

依然笳吹春明路丹旄飘摇何处去故人强半白衣冠泪湿幽州城下土
悲欢旦暮浑无据昨日骊歌今薤露老亲垂白望归来精爽防防隔烟雾

又【春晚】

靡芜一翦城南路弱絮随风乱如 垂鞭常到日斜时送客每逢肠断处
悵悵门巷春将暮树底鶯红愁不语画梁燕子睡方浓落尽香泥却飞去

虞美人【有感】

三春误向风尘走空负长条柳落花流水思悠悠便是玉箫金管也生愁
伤心惯作人间别梦里添呜咽伯劳飞燕去忽忽消受一窗残月五更钟

南乡子【夏夕无寐茫茫交集輒韵语写之不求文也】

兀坐寂无欢检防平生一笑难四十年来浑是梦邯鄲得得青驴尚未还
往事总阑不待新愁鬓已斑试问从前谁误我儒冠燕垒蚕丝卒岁艰

少小忆趋庭总角齐肩好弟兄尝得熊丸心自苦同听夜雨连牀十载声
有约待躬耕白发慈亲望眼瞢谁料而今成幻影飘零瘴雨蛮烟一带青

文酒忆同游雅防西园事事幽惆怅落花飞絮急悠悠笛裂山阳曲未休
知己痛西州文采风流土一丘他日陇头防宿草飕飕石马无声起暮愁

德耀忆同栖两小无猜稚齿齐冷雨篝灯频下泪牛衣十载行踪愧老妻
草草送将归白马青丝事已非膝下痴儿应念我谁知片片浮云各自飞

江上忆鸣榔杜宇声中过夏长回首敬亭浓翠里苍茫白芷何人劝一觴
西子好湖光十里荷花绕画塘记得吴山观落日悲凉呜咽寒潮势未降

又【砧声】

霜信到边城入梦龙沙万里程秦女卷衣何限恨凄清歷歷君听空外声
风急乱残更乍密还疎似有情想见红闺織手怯亭亭静倚朱栏待月明

又【咏燕】

双燕坐雕梁软语呢喃昼自长掠水蹴花飞不定过墙乱翦春芜故故忙
新月淡昏黄柳絮池塘夜未央落尽香泥人不见回翔错认谁家白玉堂

夜行船【本意】

十幅蒲帆风力劲有鱼床夜灯相映两岸衰芦一条寒碧波影月痕难定
柔橹无声人语静怕沙鸥暂时惊醒篷背新霜山边晓市枫叶乱遮簑笠

醉落魄【咏鹰】

冻云惨淡郁轮囷天边心胆鞴絛欲掣金眸闪血风毛一洒平原暗
层霄呼下才如防割鲜小饮霜花蘸蓝田归骑垂弓剑野濶天低狐兔山中减

虞美人【雨过 第二体】

钱塘战后风雷弱
贵主还宫乐灵旗卷罢楚天高
湘妃鼓瑟和云璈
拥蛟绡长空一抹曾青色
全学柴窑碧
诸峰螺翠晚来横
烟鬟雾髻剧多情
可怜生

蝶恋花【荔裳席上作用阮亭韵】

吹面东风能散缣
雨弄柔丝过了清明节
脆滑莺儿声不歇
池塘淡淡霏香雪
好倩吴侬翻一阕
宫锦 毵顾影神清絕
银烛光消银箭彻
一钩斜挂城边月

又【防演祭皋陶剧仍用前韵】

水面绫纹堆乱缣
一曲清商写出清流节
枉矢离离光未歇
若卢闭处飞霜雪
呵壁左徒声乍阕
南北甘陵鸿影防防絕
尺雾消来天问彻
一鞭好防山间月

又【送荔裳入蜀再用前韵】

濯锦江头涛作缣
万里蚕丛重建相如节
渝唱巴童浑未歇
一帘晓映峨眉雪
红湿海棠歌正阕
防影鞭丝防染三川絕
散发瞿塘清欲彻
半轮流送平羌月

又【送沈郎再用前韵】

满路丹榴明似缣
蜀道羊肠细马随旌节
花重锦官香未歇
倚栏闲防峨眉雪
记得梁园歌一阕
贴地腰身四座颠
狂絕嫩綠池塘清影彻
依稀照见人如月

又【题龚半千画】

石骨嶙峋惊拔地
千尺藤萝盘壁蛟
龙势茅屋半间风打碎
个中应有幽人睡
门外片尘飞不起
嫩綠新蒲杏靄江湖意
倘许移家来画里
一防请隶无懷氏

又【题王宓草画蜚】

笔带烟霞人晋魏
搨得滕王海眼图中意
惆怅东风吹不起
翩翩只在生绡里
夜 搅林花瓣碎
覓葦为粮还抱花须睡
春色满园拖粉翅
不知梦见庄周末

又【夏夜酒醒口占】

解识浊醪多妙理
八尺琉璃引入甜乡里
酒重灯昏慵不起
梦回已是三千里
残月防樯斜界纸
天色空青银汉光垂地
苔澁流萤飞且止
穿帘好趣荷风细

又【修来席上咏秋海棠】

凉月娟娟流影细道是秋花却带春花字何限嫣红思妇泪玉壶乱滴珍珠碎 篱畔几枝才放蕊任是春花不比秋花媚簪向个人防髻髻晚霞一防明于洗又【读六一集十二月鼓子词嫌其过于富丽吾辈为之正不妨作酸醢语耳闲中试笔即以故乡风物谱之】

正月春盘初献歳防影鞭丝罗拜人如市爆竹一声烟雾起几枝红烛消灯事 记得少年扶半醉襍襍冲尘评话开明寺三十年来风景异似防洛下伽蓝记二月花明邻上巳柳学鹅儿桃学红妆媚布谷劝耕声未已腥风海上来鱼市 经济山林浑不易种杏条桑多少闲心事金马凤池春梦耳竹篱茅舍原如此三月桐华莺哺子百啖声中一串骊珠碎过了清明无意思秋千还挂垂杨里 墙下樱桃才谢蕊颗颗 瑚已浸馋牙齿万紫千红同逝水几翻风雨春归矣四月东皋楼下水入网河鱼竟尺鲜无比煮酒遥沾青杏意牡丹大似姚家第一夜箴声来屋底满眼新篁带粉拖香气络罢縲车蚕下子一年村女浑无事五月黄云全覆地打麦塲中唧轧声齐起野老讴歌天籁耳那能畧辨宫商字 屋角槐陰耽美睡梦到华胥蝴蝶翩翩矣客至夕阳留薄醉冷淘饬博穷家计六月溪堂风细细课 占晴畧带农夫意云脚倒垂龙掉尾汶河已上黏天水 素柰抹红三道未带露繁枝老子生欢喜 是绿沈朱是李敲冰不羨长安市七月西畴禾稻美翠色沾衣香比春花细乞巧聊供儿女戏衰翁厌说填桥事 细雨连宵偏入耳飒飒秋声苔影生凉意回首江南鲈作市扁舟爱杀天随子八月长空飞鴈字芋栗全登消受田家味晒枣堂前红满地何须苦忆南天荔 蟾兔秋毫辉万里玉宇琼楼人抱清光睡蕉叶翻翻斜界纸草虫惯作嚶嚶技九月凉风萃末起落防登高一榼双螯美枫老当门围薛荔年丰岂惧催租吏 白酒黄鸡滋味异老瓦盆中牧豎堪同醉风雨搅林浑不寐挑灯起作秋声记十月寒云陰匝地草浅霜浓猎骑萧萧意老去垂杨生左臂鼻端出火翻成愧 楣樛炉红堪自慰絶胜年年风雪金门簪日出黄绵还炙背杞人不下忧天泪十一月狂飈惊晚歳一线阳回家庆逢南至覓果堂前成往事儿孙满眼当年似 一夜仙人纷玉戏三尺瑶华妆防天容醉盐撒空中差可拟未如柳絮因风起十二月檐冰如列齿捡防流光又逐修鳞逝屈指明朝二十四一年好事应无几郁垒桃符忙底事防胜银幡分付儿童记夜火松枝还爇歳五更不策朝天骑

渔家傲【秋感】

燕市秋来风色改山围碧玉清凉界屈指津门多紫蟹街头卖天生左手持螯在 不信浊醪浇磊块醉乡更比人间隘月落屋梁憎老态浑无赖虫声四壁愁如海

又【读汉史】

缥缈云中赤髯子求仙遠隔蓬莱水巨枣安期曾饷未真奇事马肝一片文成死 天下神仙皆妄耳茂陵石马秋风里金碗玉鱼纷出市浑无味如铅早下铜人泪

苏幕遮【冬闺】

塞云横關月遠帘外霜浓寒重呵金剪手擗綠橙香雾濺绣被毵罗只许猧儿伴
参旗斜银汉浅好梦依稀又被风吹断离思乍随清漏满倦眼窥牕蟬影垂垂乱

添字渔家傲【六月】

六月南牕无暑气几防流萤偏照青苔地摇曳惯乘丝 细翩然起随风又到帘栊里
纨扇扑来纷欲避似灭还明惊入莲花蕊露冷昔耶鸳瓦膩依稀是摩诃池畔凉如此

又【初秋乡思】

急雨携将秋色至门掩西风早是愁滋味漠漠湿云千树里偏垂地晚山一防烟螺髻
茉莉宵凉还放蕊穿瓦萤飞隐壁虫声细归梦乱如春絮起书空寄迢迢银汉人千里

又【赋得手提金缕鞋】

一树木兰花影大露湿铜铺不闭葳蕤锁半夜出来惊欲躲君王过澄心堂侧藏鎧火
响屧回廊知未可似水香阶那受青苔浣半晌偎人魂乍妥娇无那匆匆难唱家山破

青玉案【鴈字】

数行界破青天色似一幅荆關笔枫叶芦花秋瑟瑟问君何事书空难尽影落潇湘碧
人间多少伤心客欲寄离愁那能得折势分明成乙乙无端风 横斜催乱防阵烟云黑

江城子【冬日偶兴】

千门霁色日曈眊暖融融似春浓只少桃花扇底一襟风忽忆平原浅草地追狡兔控雕弓
呼鷹直上最高峰气如虹马如龙遥望一天毛血洒晴空罢猎归来何处去残雪路灞陵东

又【戏作】

贫家今日聚多钱是荷钱是苔钱怪底三春常费买花钱乱撒东风浑欲尽留不住似榆钱
纷纷人世竞青钱拔钉钱捋须钱絶胜嗷嗷九府一文钱昨夜邻家喧社鼓频吹落纸黄钱

风入松【七夕戏作】

明河低转恰西东良夜方中鹊桥欲驾飚轮起盼双星辗转愁依只恐金支翠节难胜鬓雾鬟
风楼头乞巧定谁工女伴匆匆露华如水天如洗最凄凉银井高桐月照纱防无那黄姑梦里相逢

越溪春【郭外用宋人韵】

草软沙平何处路郭外即天涯板桥流水伤心地带夕阳防防明霞歌哭声中纸钱灰里知是谁家 参差油壁香车燕尾隔牕纱归来三盏两盏淡酒黄昏鸦乱风斜只有短檠如旧依依为照寒花

御街行【和阮亭赠鴈】

寒芜极目连三楚鴈阵惊相语一声长笛出高楼渺渺断云天暮江深月黑霜寒人静独自衔芦去 遥峰恰是衡阳数寂寞潇湘 无端孤客最先闻嘹唳乱帆南浦只影横空相逢何处红蓼洲边路

祝英台近【赋得更脱红袞裹鸭儿】

浦风回村路逺画楫弄还倦闲唼浮萍乳鸭两三防任他次第呼名竹弓休射怕惊起睡鸳波面 绣袞茜忽地蘸水空明花影碎凌乱犹带残霞混入也难辨笑携女伴归来满身荷露浑疑是巫山行徧

又【木稼】

玉珑松水纖软扑面柳花乱满目琳琅疑向画中防非闕青女初来天风防送任月地云阶都遍 莫吹散掩映三尺瑶华弄影倍轻倩片片空蒙银海也生 谁搏圆璧方珪零珠断粉是碧落天孙偷剪

一丛花【并蒂莲】

碧幢翠盖舞风轻照水两亭亭金塘好暖鸳鸯睡孤飞下宿鹭还惊汉殿双栖江东并嫁一樣晓妆明 更疑人傍楚皋行解佩悄无声红衣对拂光凌乱平分取玉露金茎臂是同弯心怜共苦丝引暗愁生

柳初新【寄懷高舜木】

当年快作春灯聚曾踏徧砖街雨帝子高台将军法曲弹指旧游如雾见说乌衣俦侶未消磨平生豪举 脆管哀丝频度入新声香奁词赋午桥鱼鸟平泉树石都是泥人情处待跨个青驴归去与君上云门山路

茉莉【本意和蛟门用宗梅岑韵】

玉蕊离离只飞琼可比添多少晚牕清气风前小立防嗅处防人娇意黄昏后 过新凉金虫

簪儿串起 新妆防鬓纱防旁鹄鬓底窥斜月花光流坠余香幽约收来枕畔合子待明朝淡抹
远山相对碧天澄澄似水

簇水【玉蝶梅】

云母堆成并刀剪破滕王谱防双粉翅化玉蕊珑松千树行遍瑶台十二还向孤峰住怕雪拥
断桥来路 吟思苦便一夜牕前忽到在屋角昏黄处浓香作阵更莫引蜂儿舞怱怱晓风吹乱
好梦参差去阑干曲倩淡烟低防

喝马一枝花【送沈茶星之来宾任】

絶远宾江路乱水轻舟频渡潇湘行欲尽瘴云苦千树桃榔月黑鹃啼处到日清秋好蟹户蛟
人满城防笑舞椰子倾甘露照眼红蕉初吐推桡小挂笏讼庭暮龙

目香中早暗送年华去吟情应不减问写就蛮牋重寄昭王台否

惜红衣【咏荷花紫草】

影借 藕根连阡陌都无人惜翠盖红衣佳名倩谁锡盈盈带露划袜过茜裙留迹春碧行尽
断芜怕王孙岑寂斜阳弄赤山抹烟光丁香也无色防番风信曾否记开日莫是云英潜化满
地乱琼狼籍惹牧童惊问蜀锦甚时铺得

满江红【德水道中】

满目凄其又早是亭皋叶下忆当日披裘过此六花飞洒秋水一湾波写鴈青烟防防星分野
问长驱下泽尔何人悠悠者 荒林畔寒鸦话老柳上渔罾挂更浓烟衰草迷离堪画客路惊防
沙似雪奚奴惯使车如马向玉河水底听流淅归来也

又【题呉遠度竹村情话图】

满目苍然似嶰谷琅玕千尺想落笔公孙舞劒张颠濡墨潇洒青天鸾凤下动摇雷 蛟龙黑
掩柴门清话尔何人情金石 草阁外江流积小艇上孤蓬窄喜青罇可共闲愁如淅风起牕前
闻解箨月明林下堪容屐忆当年幽事防人同山阳笛

又【金台懷古】

落照苍然空掩映荒台数尺忆当日君臣之际悲哉昌国七十二城如解箨功成翻削英雄色
读先生一纸报燕书为沾臆 碣石畔风萧瑟即墨下牛滕掷笑安平奇计儿童能识骑劫庸才
何足道可怜战血凝深碧问千金马骨倩谁埋邯鄲陌

又【题阮亭寓竹】

何物琅玕偏爱傍子猷书屋防雨后月痕低照亭亭新沐洛女凌波鸣杂佩湘人鼓瑟敲寒玉
早风雷一夜起龙孙森然绿何处是秦川曲休更觅笕谷只闲庭半亩差堪医俗振箴未随
秋寂寞窥帘似共人幽独待他年玉版好同参宁为腹

又【过滹沱】

鴈齿红桥听桥下怒涛如箭作襟带长安日近雪消波暖纳纳津门潮水合茫茫句注奔流远
变桑田一派古今愁难消遣千尺堰秋风卷千家哭秋云暗任歌残瓠子阳侯骄蹇梦里常惊
龙气冷眼前复见蛟宫浅倚危栏尘土上须眉王程缓

又【和锡鬯吴大帝庙下作】

遗庙江东旧日是紫髯天下英魂在灵风梦卷旗飘瓦师子雄才原足惜孝廉斌媚还能霸
笑周郎帷幄虑偏长忘中夏羞铜雀东风借军衣白艤艖驾彼孙刘之睦姻盟何假自惜江山
吴子国于今父老新丰社听石头战鼓似寒潮空城打

惜秋华【牵牛花】

河鼓星高绕莓墙防防野花开了不近夕阳横斜晓风吹老依稀过长天谁脱下柴窑新稿
杯小纵金盘露浓承来些少耐肯伴红蓼只深描浅画把秋容妆好偷剪碧霞疑倩七襄人巧
佳期约畧填桥望翠辔欲来波渺更悄湿青苔暗萤相照

扫花游【春雪用宋人韵】

元宵过也防春色靡芜澹烟平楚湿云万缕又轻阴作晕蜂儿乱舞一夜梅花暗落西牕似
飘摇去试问逐风归到何处灯事才防许记流水钿车画桥争路兰房列俎叹薜萝易掷鬓丝
堆素拥断关山知有离人独苦漫凭竚听寒城数声谯鼓

露华【题沈凤于被园】

沈郎学圃傍罨画溪边防染千树十亩绿阴接叶交柯怜汝藤梢橘刺森然饱几载江南烟
垂垂熟来禽过时偷眼衔去青蓑笠笠容与美种杏条桑经济如许未老云卿东湖暂结幽趣
儿子上树生狙早摘下翠盘无数秋气冷虫声断蛙静否

满庭芳【闻鴈】

细草摧霜寒风败叶楼头一鴈初鸣偶来嘹唳何事恰关卿惆怅沙平月落衡阳路几防峰青

还堪忆江枫渔火只影傍人明 伶俜山枕上梦回酒醒哀韵偏清更阶前蛩语林外秋声同是一般憔悴算只少猿叫三更从今去湘流曲折莫近小牕横

又【和人潼關】

太华垂旒黄河喷雪咸秦百二重城危楼千尺刁斗静无声落日红旗半卷秋风急牧马悲鸣闲凭吊兴亡满眼衰草汉诸陵 泥丸封未得渔阳鼙鼓响入华清早平安烽火不到西京自古王公设险终难恃带砺之形何年月铲平斥堠如掌防春耕

又【和锡鬯李晋王墓作】

石马无声饥乌作阵白杨风急萧萧珠襦玉匣曾此塋人豪河朔同盟藩镇分带砺只汝功高真乐事锦囊三矢意气快儿曹 银刀新霸府十年征战兗郛之郊奈优伶日月粉墨亲调惆悵诸陵寒食青青草麦饭谁浇丰碑卧牛羊砺角壤磴走山樵

水调歌头【大醉放言】

左手把欢伯右手擘双螯淋漓酒浓衫重一任发萧萧我自狂歌潦倒醉防长安市上若个插金貂邓禹莫相笑阮籍正逍遥 列蛾眉调锦瑟响云璈君侯应自贵耳吾欲等鸛鷖腐防才堪一饱仰视鸛雏曰吓意气二虫骄安往非贫贱三径问蓬蒿

又【喜厚余至都率然有赠】

落拓老兄弟踪迹共沉浮匆匆神虎分袂江海防经秋多少黄金横带我辈青衫羸马散荡足风流吾试与君语富贵定难求 鲁陂侧锦秋岸防湖头溪山如画烟波两两钓鱼舟辛苦斜风细 消受紫萼红蓼冷淡尔为侑努力饮醇酒身世问沙鸥

又【为龚节孙题种橘图】

玉局昔年客秃鬓老仙翁思移林屋嘉树饱啖洞庭红擬作亭名楚颂眷此素荣绿叶惨淡比青枫有志那能遂遗迹大江东 仿瞻子怀古意画图中 蓑风笠长镰白木苦匆匆且自耕云半亩转眼霜林千颗一笑对山童忘却生绡里欲倩右军封

又【送陈六谦之安邑任】

琴鹤渺然去为政足风流何意凤漂鸾泊百里借君侯三晋云山北向咫尺二陵风 纳纳动离愁雪片大如手匹马过芦沟 门霜防人绣虎笔银钩禹都睠眺淋漓墨沈碧峰头试到野狐泉上入望盐花似雾天宝物华收欲问段干木旧迹杳难求

又【午日和其年】

何处鬪蒲去俛首饮醇醪长安十度重午令节又相遭不是今朝弧矢不是今朝鱼腹歌哭总
无聊云气挟雷鼓疑听广陵涛忆当日观竞渡趁江潮天风正怒仿佛角黍饲馋蛟憔悴故园
心眼潦倒女儿景物未足寄吾豪和汝惊人句土缶与云璈

又【快 】

白 响新瓦火鬣走长天钱塘万弩齐射惊起老龙眠疑是防牛鼓震又恐驱山铎掣泼墨荡
云烟咫尺匡庐下九叠乱鸣泉飞石燕笑玉女卷湘川铮鏦金鐵洞庭张乐宴羣仙立扫黄尘
襜褕一洗神皋禾黍浓翠正娟娟造物不言德风日弄清妍

天香【咏緑牡丹为牧仲作】

国色凝香露华垂檻苔痕欲上阶砌不就轻黄还成嫩碧接叶交柯无二石家金谷供妙舞珠
珠浓睡渲染春光好处掩映一天空翠鱼子暮云防起带蕉牕几分凉意阿谁是眉黛遠峰如
此倒挂岭南么凤莫藏影花间覓花蕊芳草成裊碧旗碾试

又【龙涎香】

孤屿荒寒断潮呜咽抱珠神物浓睡蜃雾成楼绡宫喷雪防防蛟人清泪红薇露湿早酿就都
梁佳致巨舶长风破浪似带海山鳞尾春闺夜阑烟细郁空青水天霞气漫惹 丝霏洒金猊
声碎凤胫一枝深炷偎翠袖余寒恋纖指莫放悠飏绣帘匝地

玉簫凉【七夕有感和其年】

十载长安记如此良宵团扇抛残龙梭初罢织赴碧落幽欢防多钿合蟾子陈 果乞巧楼前
惊梦醒但绛河千尺云气漫漫无端嫩苔绣瓦斜月窥牕妆做秋意阑珊去年当此际正同倚
危栏定识凉生玉簫盼鹄驾不到人间天似水掷泪珠荷露争圆

暗香【緑萼梅】

墙陰淡白算雪晴未久换成春色一剪蘼芜移上枝头弄轻碧照水空明数朶认树老雨痕交
蚀大好是洛浦相逢寻翠羽消息桥侧闻夜笛笑寂寂玉鳞月中难覓九嶷旧客又向蟠螭露
仙迹转眼青青似豆还记取前身萧瑟摇落处苔影薄依稀见得

留客住【鷓鴣】

瘴云苦徧五溪沙明水碧声声不断只劝行人休去行人今古如织正复何事闕卿频寄语空

祠废驿便征衫湿尽马蹄难驻 风更雨一发中原杳无望处万里炎荒遮莫摧残毛羽记否越王春殿宫女如花祗今惟剩汝子规声续想江深月黑低头臣甫

水晶帘【赋得无端嫁得金 婿辜负香衾待早朝】

梦细幽香靚甚长乐钟声敲醒倦眼迷离讶宝炬星辉照人难定正好睡时何处去想莲漏迢迢尚永五更天最是霜寒镇教寂静 徘徊掩清镜忆红闺深夜邻鸡曾听便恼他咿喔未愁伶俜不似而今慵早起怕瑟瑟篝残被冷又争如帘幙长垂小牕日影

尾犯【笋】

小牕 霁傍疎篱一带箨声盈耳绳牀乍破幽人梦验苔钱穿碎墙陰屋角郁千尺凌云势笑洋州太守清贫却饶玉版风致 曾过荻洲江市银鲈拨刺出水向柁楼晨饭松湿烟青烧来偏脆谷口如蓬宫中似束故人情味最怜是憔悴龙孙琅玕销尽生翠

燕山亭【九日排闷】

北鴈横斜似水晴空无限萧萧意深巷闭门懒去登高那问几人曾醉红叶青山正渲染苍凉天气何事只辜负秋光淡然如此 记得去歲城南傍野迳疎篱乱穿浓翠女儿景物羁客心情添得一番悲喜便上层楼望不到故园千里千里有多少荒烟败垒

孤鸾【送陆苾思归武林时新有悼亡之戚】

新秋天气正河鼓星高牵牛花媚禾黍西风驴背一鞭遥指有人巢青阁上倚危栏望穷烟水那识猿啼鹃唱早断魂千里 忆去年 果闲庭里看儿女灯前乞巧懽意萤火斜飞处午夜凉于洗而今归来索寞最无憀黄昏牕底鸾镜轻尘莫扫剩盈盈清泪

双双燕【见燕子营巢有感】

旧年社日向聚燕台边送君归去杏花开罢迟日园林春暮又栩栩梁间住听一片呢喃相诉不嫌僦舍荒凉来伴京尘凄楚 柳絮池塘何处防玉剪交飞乱冲花雨主人谢客辛苦旧巢将防莫待新雏成羽更去傍红楼朱户且自掠水衔泥睡足一庭香雾

又【咏镜中美人影和沈凤于】

一 秋水谁移向深闺偷近蛾绿空明不定绰约伴人幽独临就崔徽别幅又浅笑轻颦相瞩何人解识倾城自赏容辉金屋 掠削云鬟妆束问就里芳心可同千曲离魂初觉娇晕枕痕红足小阁朝来新沐瞥收却巫峰六六怕是清冷圆水一掷黄金难赎

金菊对芙蓉【和锡鬯蠓矾吊孙夫人】

蜀国夫人孙郎小妹腰间龙雀刀环叹东南人物弱女登坛锦帆摇曳江如练望瞿塘道路漫漫永安龙去蚕丛梦杳红粉凋残 灵泽遗庙江干有云车风马雾鬓烟鬟怅西风白帝鸾驭难还千寻鐵锁销沉后家何在两地悲酸千帆落照渔歌唱晚露白枫丹

月华清【咏山鷗为阮亭作】

织翠为裳凝丹作距飞来何处烟暝金索珊珊落下碧梧银井忆蜀国待诏图中共棘雀山花相映难定试洗却浓妆雪衣嫌影 挂向玉堂深处莫百啖鞦韆恼人幽靓梦结梨云怕是数声惊醒若覓句负手巡檐更摊书茶清香冷风静好低徊一曲伴他寒磬

催雪【珍珠兰】

嬛嬛牵风溲溲带露窈窕最宜深院恰闽海移来龙宫几串金谷堕楼姝丽伴杜若江蓠分娇面鮫人泪滴紫茎赧甲都教开遍 开遍含笑盼任径寸蚌胎让他香旧美瑟瑟轻圆凉飕吹颤莫向池塘顾影怕泻入红蕖寻难见正防髻妆晚珠娘头上一枝防绽

又【红梅】

夕雨凝丹晓晴着树麝眼小篱如绣喜照眼偏明数枝窥牖只恐春寒防重费几许燕支匀红 绉峰回路转纷纷开落武陵近否 清瘦赧玉镂看一片迷离断霞铺就甚真色苧萝缟衣非旧好伴呉娘记曲碎颗颗珊瑚盈懷袖叹陇首万防风飘冷落绛绡时

月下笛【悼何蕤音】

官阁明鐙珠藤覆屋雨中深酌茶烟绰约檐花声在帘箔酒人已逐浮云散转眼叫秋猿夜鹤想鸳湖画舸一天丝管更谁行乐 思着中情恶记威凤文章神羊头角龙宾挥霍漏痕还带钗脚原边宿草年年绿有多少西州泪落断魂处隔江南苦竹黄芦寂寞

玲珑四犯【送杞园游西湖】

三月呉山记梅子黄时几多烟雨载酒西冷千顷嫩荷澄暑沉醉失却湖光似梦里断云飞絮叹软尘十载遮留翻送故人游去 一枝柔橹穿花路淡空明个依眉妩檀栾金碧天然丽都在晚霞红处试问堤畔垂杨尚否青青如故遇禅灯老衲还为我殷勤语

锁牕寒【倭奁】

巨舶巍峩寒潮寂寞 风吹暝鸾胶 斧制自海山人境郁金砂屑来粒粒明霞犹带欧罗胜

想龙涎潜贮冰绡偷卷迷离交映 光靚伴清镜试摩挲小簇玉纤留证宫鸦一色拖逗丽华云影忆当年连弩射鱼浩荡烟波归未肯更谁携防扇昆刀泛蓬壶月冷

又【即事】

银鸭香销湘篝兽冷夜长生倦寒梅未放勒住春痕一线听惊沙飞鸣阵阵飒然似入關山怨想参旂半落明河斜挂霜风如剪 思远情何限纵文鸳交扣绣衾争恋迢迢玉漏海水注来难满还愁他旅梦乍回屈曲铜铺门静掩更谁团雪作猗儿映小牕人面

又【为梁大司农悼亡】

苔湿春芜蛛萦绣幕悄无人影玉钗断后曲曲画阑谁凭怕红丝系来双燕呢喃还向珠帘等纵宝衣施尽缕金裙在泪花犹剩 厮映生悲哽记皂防煎成鸾胶未冷彩云一片又苦斜风吹暝步瑶台姊妹肩随茫茫那知长夜永问何时环佩珊珊飞下蓬莱顶

百字令【咏史】

海门一防驾素车白马怒潮来去回首苏台金虎气断送几場歌舞鄢郢家门荆蛮带砺两地应难补英魂犹在空余血泪凝注 五千甲楯行成十年生聚轧轧勾章艚吳越兴亡關底事都作寒江烟雾入楚旌旗盟齐岁月寂寞浑无据芦中人杳区区恩怨何苦

又

田光老矣笑燕丹宾客都无人物马角乌头千载恨匕首匣中如雪落日苍凉羽声慷慨壮士冲冠发咄哉孺子武阳色怒而白 试问击筑渐离此时安在何不同车发负剑祖龙惊掣袖六尺屏风堪越贯日长虹绕身铜柱天意留秦劫萧萧易水至今犹为呜咽

又

南山归晚遭相诤醉尉灞亭秋暮故李将军猿臂在射石犹能饮羽虎鼠行藏烟云变态若辈争知否霜寒草短且寻田舍归去 回首百战功名北平上郡歷歷风沙苦屈指封侯诸校尉意气宁堪俦伍白发宫娃青衫羈客老泪同今古掀髯一笑尘埃野马看取

又

出师二表与殷盘周诰同铭金石臣本不求闻达者为许先君破贼瘴 蛮江秋风渭水上将挥神笔落星如斗荧荧火井将熄 今日丞相祠堂黄鹂碧草俯仰悲陈迹八阵图边波浪涌似恨譙周鬻国一片降幡千寻鐵锁鼎足三分失先生已矣何能亲见衔璧

又

三台鼎峙俯清漳如带东流凄切数载淮南泥水路射猎读书人杰横梁悲歌临江洒洒一片雄心热二乔何在东风吹浪成雪更忆绣虎蜚声陈思才调舞蔗中郎絶缥缈西园飞盖处宾客应刘心折吳蜀君臣魏家父子人物皆英发何哉青史世龙犹自羞说

又【张先生席上咏鹦鹉杯】

浊醪妙理向水晶宫里搜罗杯耸海气防蒙光不定逗漏通明一罇织水为衣流波似羽鹦鹉佳名也画堂捧出陇头孃孃飞下盛来琥珀香浓鷺儿黄嫩浸明珠无价想见蜃楼歌舞处玉乳璫浆自泻风雪撩天金貂满眼我是悠悠者莫辞一醉帘栊娇鸟相骂

又【天龙寺高欢避暑宫遗址和锡鬯】

苍苔古瓦是人天法界雪山深处燕麦兔葵荒草地人道高王曾住水殿风凉瑶台露白院静浑无暑流萤闪闪宫墙飞入无数遥想渭水邙山东西蛮触五技穷鼯鼠勅勒老公譟慷慨早见英雄黄土马稍功名人龙意气总逐西风去繁华销歇犹然朝暮钟鼓

又【朱锡鬯过访不值怅然有寄】

春风吹面又匆匆过了传柑佳节羸马敝裘何处去一刺懷中磨灭日跳如丸臣饥似朔那得名心热思君一话瞥然鸿爪留雪记得昨夕灯前流连蕃锦【锡鬯词名】无缝仙衣接白石小山门迳在天半峨嵋幽絶火树连宵歌钟匝地夺我冰腸洁因风寄与重来同醉烟月

又【中秋和其年时甫过地震】

晚霞成晕似非烟笼就霓裳僊阙只恐清光明作镜照见须睂愁絶静掩珠帘轻遮团扇蜃雾楼台结凭谁吹散玉箫声细如发况是一阵罡风须弥芥子偶现空花劫八柱蛟龙还掉尾穆穆金波无缺动魄惊心十年两度错过中秋节余生瓦砾他时月底重说

又【庚申闰中秋和其年】

月如无恨便清辉万古长圆难缺昔我来思浑不记果中庭重设【余生甲戌是年亦闰八月】身世斜阳悲欢逝水鬓有星星发惊闻人语今年两度佳节却忆去岁中秋轻云薄雾黯黯芙蓉阙造物多情还补得泼眼明蟾奇絶再舞霓裳平分桂影疑对千峰雪重阳迟了几行白鴈能说

又【闰八月寿阮亭】

银蟾的魄记何时此月重啓珠宫羽葆虬幢纷去住石磨飞下天中四十七年匆匆过却回首
忆生崧仙家昼永雕弧今日初逢 等到人歴花砖文登金镜乃许醉顔红李杜诗篇闻

帝语莫防才发铜龙缥缈蓬山从容赤舄几见桂轮同他年佳话依然王露秋风

珂雪词卷下

礼部贡外郎曹贞吉撰

解语花【咏水仙同家弟作】

镂冰作面剪雪为衣溪畔盈盈女幽懷谁许相逢处翠袖低垂不语淡黄睂妩听子夜歌残白
纈更难兼并蒂连枝姊妹还同侣因念云迷洛浦自陈王去后离别酸楚明珠翠羽相迟误脉
脉此情尘土花魂无主抵多少小牕防愿年年月白风清仗东君留取

又【和人咏骊山温泉】

蜃蒸作雾地涌成珠一水溶溶贮炎凉谁主大千界只有清流可语乾坤奥府是天地恩波凝
注阅从来萧索繁华多少伤心处记否长生露乘春风灵液荡涵容与霓裳妙舞惊魂散铁
骑渔阳鼙鼓石莲如许想旧日鱼龙无数怅华清一带靡芜任抚今吊古

又【咏美人花间影和风于】

伯劳偷唤才理晨妆小立东风径綠陰深靚苔痕湿罗袜一钩清冷迟回不定喜蝶粉花光相
映生憎他倒晕明霞漏泄惊鸿影百裯绣裙厮称似天风吹堕露桃仙井冶游暗省销凝处怕
惹离魂难静流辉耿耿任扑防乱红飞暝带满身香气归来向枕边犹剩

渡江云【送蒋京少下第游楚步其年韵】

对西风一笑碧云黄叶怊怅旧霜毫珠投仍按劒悔杀平生未谱郁轮袍雪花似翼桑干路寒
色刁骚任纷纷黄金白璧意气属吾曹帆摇女儿浦口新妇矶边看江天影倒问六朝艤艫鐵
锁尽逐洪涛芦声瑟瑟鹄弦急伴渔火酒醒无聊湘岸濶回头咫尺青霄

又【欲雪】

湿云黏似絮關山冻合风色偃貂裘玉楼寒起粟知是僊人咫尺驾银虬黄昏漠漠牕影黑思
挂帘钩谁剪碎明河水水一夜下皇州还愁孟婆潦倒滕六商量怕梅花孤瘦又化作轻烟薄
雾缭绕枝头五更错认虚生白最分明碧落清幽成独笑飞琼毕竟迟留

珍珠帘【为牧仲题枫香词】

乌丝闲写柔情句吟红豆才子梁园新赋高调和人稀似引商荆楚忆佩双鞬随豹尾谙出塞
凄风冷辛苦早中年易感鬢丝添素又向粉署为郎听薰香侍史鵷笙曲度动魄复惊心耿
一天星露江上青枫闻鐵拨抵多少海飞山怒休诉倩岑牟狂客挝残羯鼓

又【赋得水晶帘下防梳头】

雕房几曲桐陰里金塘侧第一倾城姝丽防髻照人明学遠山螺髻蝉影花光相撩乱衬一片芭蕉浓翠清绮更珊钩犀押冷波横地疑是月底初逢被水轮掩映织绡情思宛转翫琼顏倩晓风吹起人在银河清浅处倚白玉栏杆如水心醉想道书慵把幽懷旖旎

木兰花慢【送孙开盛假归用稼轩韵】

桑干河畔路沙似雪是还非想杖防从军频年转战今始成归金山南射虎更淋漓醉墨染弓衣白马青丝未了霜鲈紫蟹空肥拥麾清渭驻全师落日二陵西早一骑黄尘数声清角东下旌旗依稀四明狂客防江湖满地鷓鴣飞无那孙郎病骨不胜玉绕金围

又【寄武曾】

故人知我在枉尺素自菰芦想秋锦堂中萧然四壁鹤径亲锄蘧庐不堪回首望青山一发泪痕枯九日龙番叶落三秋葛镜霜铺归欤迢递岁华徂眇眇正愁予想梦觉沉吟鸟名脱佛鱼唤姬隅南湖先生健否正长安冰雪上髯须辛苦冯唐老矣烟波垂钓何如

又【送徐方虎假归】

官河悬夕照帆十丈影垂垂正白露横空寒蛩声急芦叶争飞追随东门千骑羨相如拥传有光辉驿路水明沙碧江乡蟹美鲈肥东篱无恙柘桑围罨画从来溪早鱼鸟關心烟霞寄傲才子初归燃藜龙门太史拟江山贺监是耶非莫恋紫莼红蓼来司玉册金泥

桂枝香【蟹】

风清露细早稻熟江乡嫩凉无比八跪双螯郭索迷离烟水断芦折苇洲边憩美轮囷行沙如驶寒潮来去孤舟没灭渔灯初起正好是荒村雨霁问何人答簪萧然汀嘴小市平桥过处霜天凝紫橙黄橘绿登高防醉东篱酒人风致依稀记得鱼庄设簪夜分无寐

齐天乐【蝉】

前身疑是空山侣遗蜕杳然仙去露给资粮形藏密叶有得孤高如许绿陰亭午引天籁笙簧移宫换羽后防凉余音摇曳过庭树依稀银鴈柱被晚风吹断曼声凄楚八尺琉璃半帘苍翠睡起了无情绪秋来更苦咽四壁寒虫无聊和汝且莫哀吟觅疎林宿处

又【春晚同诸子游祖园】

城南韦曲东风路长芜绿暗如许防影参差衣香掩冉渐入水云多处闲亭列俎似鲑菜江乡

茶烟顾渚浣尽京尘一双鱼谷树陰语 深卮且共斟酌怕穿林风 乱红无数节过浮觞人同
荷锄作达全忘羈旅游丝飞絮倩燕嘴蜂须将春系住芍药开时又携尊防去

水龙吟【咏柳絮用坡公杨花韵】

千红万紫谁留频惊暗里韶光坠飞来何处漫天香雪撩人情思才过平桥又穿小径柴门深
闭任蜂须燕嘴交衔不定三眠了还三起 记得鶯黄初擱等闲间又成虚缀晓风乍引离魂难
定杜鹃声碎飘泊无心轻狂有态恨抛流水愿年年常傍永丰坊侧防伊清泪

又【白莲】

平湖烟水防茫个人彷彿横塘住碧云乍起羽衣初试靓妆楚楚露下三更月明千里悄无防
处想芦花苹叶防蒙一色迷玉井峰头路 莫是苧萝未嫁曳明珰若耶归去游仙梦杳瑶天笙
鹤凌波防步宿鹭飞来依稀难认风吹一缕泛木兰舟小轻绡掩映问谁家女

又【春日送客过慈仁寺感旧】

寻常弹指声中优昙偶现空王地海棠着锦丁香衣紫霞烘烟细急管哀丝青衫白袷嬉春情
味叹秣华电掷风流云散容易下中年泪 身是金闺倦客赋渭城重过萧寺倡条冶叶笑人岑
寂树犹如此只有孤松似曾扶我当时沉醉倩禅灯老衲往来指防说花荣瘁

又【咏蜡梅】

岭头异种谁留檀心初晕犹含冻轻黄试着歌翻金缕晓风吹送剪蜡王郎等闲妆防珠珠成
凤想寿阳阁下飞来一片远山际蜂黄拥 记否师雄曾梦月朦胧拂衣寒重飒然惊觉天空云
净翠禽防啅乳色侵鶯流光照夜暗香浮动愿明年更缀如来金粟淡烟低拢

忆旧游【题郭熙秋江行旅图】

防迷离一片淼淼洪波漠漠平沙乌柏丹枫岸问何人驴背怅望天涯惊风乱叶飞坠防影任
欹斜况几缕残云千寻疊嶂满目蒹葭 荒寒入真境是旧日河阳貌写烟霞曾记游吳楚泛扁
舟东下指防神鸦少年回首一梦江上听悲笳更对此何堪京尘如雾栋开花瑞鹤仙【咏灌
婴庙瓦砚 照梦牕词填】

嶙峋黄玉璞化陶 光怪艺林栖托梅花费雕琢问何时出土琉璃如削汉家封爵是颖陰诸
侯刻桷叹灌池遗庙荒凉怊怆风云刀槩 犹昨荥阳屯后白马盟书丹青酬酢几年寂寞人砺
劒牛磨角论功高值得词华消受十二龙宾盘礴试代他盾鼻磨来笔花乱落

宴清都【咏宋人大食盏茶杯】

犹带鲸波冷遥天色断云防露清影玻璃质脆盈盈不类汝哥官定曾随月叶金书烦赤鬪拳
须管领而今作承露铜盘僊人泪滴犹剩 思量紫袖昭容白头阿监深夜调茗松涛罢响流泉
淡注碧梧银井那堪回首天上空暗忆龙团凤饼伴高斋潇洒琴罇小牕日永

花犯【咏花鸭】

傍雕栏啄花唼叶呼名任游戏依稀芦岸蘸拍拍烟波成队飞起红裙偷裹采莲女船头竞弄
水好趁取碧天云淡桃榔斑暗记 何人竹弓莫轻弹鸳鸯交颈处惊他浓睡争扑鹿澄潭下嫩
黄难比浑迷却断霞一防防只影横斜穿暮紫倩去伴甲煎银叶蹒跚香雾里

台城路【咏隗嚣宫甃杯】

丸泥不闭函關路神功煅来杯铤色映琉璃声随哀玉浅碧嫩黄交射流霞欲化想西伯雍容
葡萄倾泻紫殿基平何人收拾夜泉下 千年又成废寺早霜钟粥鼓相伴清暇土啮花斑鱼吹
浪白过眼兴亡难话谁堪并价有铜雀荒台尚留残瓦且尽深卮任更防烛炮

又【辽后洗妆楼】

东楼春色天边落来时白苹风作风辇曾留瑶台乍起妆防远山睂角宫蝉绰约想欲动晨光
未垂帘箔 转荧煌明星一带池阁 兴亡几番过眼听游人指说斜照城脚窄塔波高雨淋
铃急坏磴莓墙萧索惊飈振箨是曲里琵琶白翎哀雀只有长河潺湲声似昨

又【送分虎归长水】

秋陰惨淡天如墨城头角声初起野水长桥炊烟小市鱼尾断霞成绮羈愁未已怕土锉荒凉
夜长难睡人影幢幢一行清露晓风里 分湖紫蟹正美桃乡新稻熟流匙香细白鴈纵横黄花
烂漫还忆离亭曲子行滕漫试便脚底匡庐不如归计霜冷吴枫扁舟栖暗苇

柳色黄【对雨和竹垞】

柳絮为萍梅子渐黄天气如许溪云乍起遮山酿做几丝防 东西不定摇曳淡雾轻烟荷钱
一一跳珠露庭树碧参差防青苔无数 平楚断塘遥指如发秧针绿迷南浦暗想空江轧轧惟
闻柔橹乱红无影寂寞静掩疎篱铜街湿糝香尘路倩斗帐高眠小牕边听去拜星月慢【秋
日雨后饮宋子昭新泉亭座上闻歌】

撩乱苔钱差池菱叶白板桥边秋水防防浮沤溜银塘珠碎断云湿拖逗余霞明灭晕作远山
螺髻薄暮罇开正玉箫声起 颤水 百啭春莺脆西风冷月落朱门闭一朵两朵幽兰共荷香
迢递汲新泉乍试龙团味红灯小不照愁人醉待归时露满闲堦有蛩虫伴睡

霓裳中序第一【咏龙须为渭清赋】

嶂势犹怒谁向层波剪水簪忆当日青天乍擘伴火鬣朱鳞度云穿雾清秋岛屿抱骊珠浓睡腥莫也是洧渊战罢飘落翠蓬路羈旅生涯如许还藏得蛟宫几缕轻绡钿合潜贮怕一夜惊雷破壁飞舞何人拾凤羽便鬪草休教换去他年事天风鹤背拔下又重数

又【爲杞园题浮家图】

烟波寬几许抖擞青蓑垂钓去恰流水桃花时节对西塞山前一双飞鹭高风可遡倩生绡三尺留取防歷歷笔牀茶灶泛宅画中住今古逃名渔父怕东华软红如雾江湖自结鸥侣正柳下移船菰边分路美人共兰渚又何必天家赐与仙槎上此生有分鼓枻带笭否

绮罗香【宋牧仲座上闻歌】

抹丽凝香池塘过屈注明河天际雪酒银桃六月燕山风味倩数声玉笛吹来似一串骊珠掷碎看盈盈初日芙蓉双瞳剪水两眉翠青衫留落旧客遮莫娇丝脆管难令沉醉几防萤光犹照苍苔无寐好宫调贺老教成倦心情屏风立地漫流连入破伊州记枫香曲子又【沈融谷新娶夫人善琴书同人共赋】

柳密藏鸦堂空语燕大好天桃天气蝶粉初消二月东风破睡镜奁映笔格珊瑚砚匣伴眉妆翡翠最怜他腕底横斜乌丝闲写丽情字珍珠指下乱撒弹入明光一曲声随流水儿女喁喁防缀小牕幽致妒两行银鴈轻飞堕万里玉關清泪记夜深金鸭烧残迷离香雾里潇湘逢故人慢【张晴峰脩雷琴成有赠】

千年神物是天宝元音宣和遗谱零乱金徽苦想阅遍繁华遽然今古流水高山弹不尽喁喁儿女当此际燕市重游白发郎官知汝续鸾胶调凤味早韵磬琤琮响泉淒楚百衲还堪鼓似海岸窃防成连径去危柱哀抵多少惊沙飞再等到蛇蚺纹成又是几番旦暮

永遇乐【送孙杞瞻学士归省】

十丈蒲帆一篙秋水仙舟天际绣虎才人珥貂贵客归作承欢计当年射防五云日下牕唱魏公第二美璧人天街衣马夹道争防如蚁紫宸朝罢讲筵初御金碗天浆亲赐东观深严北门清切待署黄麻纸君恩暂许湖山佳处添个宫袍菜子须珍重黑头卿相碧纱名氏

又【和人望崑山】

谁凿鸿蒙最惊人处芙蓉千丈激荡疑潮崩腾似马罗列儿孙状八荒雷一天苍翠缥缈灵旗想像待清秋凭陵絶顶画里秦川如掌潼關孤耸黄河东注俯览翻增惆怅飒飒天风泠泠环佩九节仙人杖咄哉韩子苍龙回驭那得褰衣长往耐可拉青莲居士三峰高唱

消息【和锡鬯度鴈门關】

萧瑟關門西风吹雪貂裘都偃蚁垤行人羊腸驿路哀角边声怨鱼海水寒龙沙戍断歷乱蓬根飞卷怅青衫暮云驱马望尽苍苍脩坂絕壁祠堂赵家良将入夜灵旗如电折防沉沙老兵拾得磨洗前朝辨塞鴈南飞滹沱东注可惜英雄人遠问谁是封侯校尉虎头仍贱

秋霁【本意】

过 长天早露重闲阶新月如沐射角明河垂檐珠斗苔影上人眉綠流萤谁扑霜纨小扇银塘曲浑无寐风度药栏戛戛响脩竹 漏残酒醒篆冷烟销隐壁秋虫似伴幽独拂莓墙花香作阵秋兰绰约疑空谷故国难穷千里目悠然归兴只在黄叶村中白苹乡里数间茅屋

南浦【春水用玉田词韵】

新涨碧于天近清明做弄横塘晴晓轻燕掠波圆靴文细一片麴尘谁扫鱼梭织影跳珠只似荷钱小催 东风寒又暖綠遍长堤芳草 漫漫别浦滢洄惊画船箫鼓鸥眠未了鴈齿接红桥渔庄遠何处鸣榔声到断烟渺渺斜川如带平芜悄扑面杨花飞作阵添入浮萍多少

又【秋水再 前韵】

片月映寒汀碧澄澄人对江山清晓綠净绕柴扉晴矾上已有垂杨先扫芦花似雪连拳鹭占圆沙小淡抹遥天浑一色夹岸粘云衰草 百川争赴长河防鱼牀灯火黄昏近了白露老蒹葭清歌发无数采莲船到平湖浩渺芙蓉落尽空潭悄又是霜明波冷后此际捞虾人少

花发沁园春【咏司马相如私印】

倒薤披离朱丝零乱土花苔叶交亚龙文覆斗天色垂陰温润玉情堪把千秋作者字里认当年司马叹经过华屋山丘阅人良自多也 辛苦临邛书剑倩何人昆刀刻镂风雅凌云赋就卓女妆成十樣蛮賤亲打纖纖欲下早逗漏明红一罇好留伴砚匣琉璃冷光朝暮相射

又【赋得流水桃花色】

万防残红五更防 夜来初莖倾国暗落无声飞流不定染就明霞一色蛟姝泪织似淡抹胭脂还湿最好是啖影游鱼儵然身住花宅 莫也神仙作剧赚溪边渔人归路难识一篙渡濶千尺潭深根叶漫从寻覓珊瑚浪掷任送下东溟无力荡空蒙水气花光赤城云起相射

尉迟杯【咏朱碧山银槎照蔡松年词填】

黄流注送扁舟似叶凌云渡虫书犹记当年想见良工心苦何人称杜举都不管华堂几朝暮

但茫茫醉了还醒梦里居然千古 因思博望去远纵苜蓿卜萄回首非故太乙炉开朱提液冷
好泛明河深处问此去盈盈一水曾否有黄姑相逢语慢学他羽化神奇酌尽天浆无数

望遠行【咏延陵季子剑】

寒星黯淡青铜色出匣惊飞风 龙鳞三尺虎气千年仿佛精灵堪语记得当时曾带故人荒
陇此道于今如土挹神光重见 裳楚楚 宾旅鸣佩中原歷聘只解识寸心相许回首苏台鱼
腸忽起散乱长铍无数试吊要离坟草鴟夷潮水一樣英雄难诉对州来君子恩讐忘否

解连环【咏芦花遥和钱舍人】

惊风凄切满江干一片冻云吹折飘万防不辨东西枉赚得行人鬓丝添雪明月光中隐沙岸
鸿声清絕更闲随钓艇暗入柴门伴人骚屑 助他怒潮呜咽卷兴亡旧恨浪花明灭笑垂杨只
解飞绵难防上征衫迷离成鐵露冷蒹葭还记得綠芽如发问故家秋娘何在风流总歇

一寸金【咏长平遗镞】

数防寒铓入眼离离土花碧是咸阳王者神兵亲铸沉沙千载耕夫重得黯黮黄金色试磨洗
犹堪穿石笑平原计误冯亭围合邯郸几轻掷 暗想当年武安初将疾声撼赵壁早沙虫猿鹤
一军都化粘云衰草战場如昔 哭西风里最惨澹天陰月黑乍摩挲线齿银防怕带青磷迹

风流子【京口懷古】

三山围鐵瓮孙郎后今古几英雄忆北府参军寄奴王者金戈鐵马横据江东凌歊上歌风追
汉帝置酒宴羣公一代伟人龙行虎步十年征战洛下關中 只今凭吊处佛狸祠下路烟树防
蒙爲念寻常巷陌社鼓连空算礧礧战地几多白骨金焦名胜两防青峰惟见惊涛满眼东去
匆匆

又【金陵懷古】

大江流日夜寒潮急寂寞打空城想玉树曲终梁尘争落金钗垂后斜月低横如今但荒台存
瓦砾废殿走鼃鼃桃叶渡头半篙春水莫愁湖畔一片秋声 南唐成往事摄山防断碣梦里三
生千载澄心堂纸拨鐙书名叹衣冠王谢高低禾黍文章庾鲍冷落沙汀依旧龙蟠虎踞渺渺
峰青

又【姑苏懷古】

胥门悬落日东风软人立小斜廊是越女靓妆舞停歌罢捧心无赖展转回肠难重问钱江烟
水白橋李阵云黄歌吹海中荒哉旦暮温柔乡里老矣君王 勾章烽火急见姑苏台畔长剑如

霜谁念鸱夷相国目断危樯早轻装一舸浮家远去功成身退磊落行藏回首故宫花草难遣茫茫

又【钱塘懷古】

英雄开草昧山衣锦万弩射潮低彼吳越一王高车驷马威灵五季玉册金泥惊回首西陵烟月淡葛岭断霞飞三竺六桥老髯曾醉斜风细 和靖频题 六飞南巡后西湖比西子綠拆红欹惟忆金明池水禾黍离离想德寿重华两宫游幸绮罗 管縈绕苏堤千载江山如故还使人悲

又【题刘岱儒葭水山房】

城南泥水路蒹葭满白露晓苍苍想茅屋数间中央宛在青蓑箬笠何处鸣榔渔歌发斜风杨柳岸细 薜萝墙鹭立晚汀防开波面鸦翻乱叶界破残阳 伊人高卧处有茶铛丹灶布被绳牀遥指软红十丈应笑人忙似烟波钓叟浮家泛宅鱼鰕结伴云水为乡谁道桃花片片误却刘郎

疎影【咏落照遥和钱舍人】

斜阳欲下学西流弱水如电倾泻未免多情弄影苍然回光更恋亭榭明霞几缕霜天赤掩映作江山图画最撩人乌柏丹枫常是借他声价 依约黄昏近矣齐飞并孤鹜秋色潇洒莫向楼头赚得愁人一地迷离生怕平芜衰草凄凉处有多少暮云归马倩开元小李将军海岸断红描写

又【黄梅遥和武曾】

春前数防向水边林下孤影凌乱圆磬开时一抹檀心明霞晕去还浅分他厓蜜余甘后怕金粟如来窥见映短篱初月防昏迢递暗香门掩 蜂冻寒声细细偶来覓蕊处飞入难辨莫是僊人泪滴铜盘幻作此花生面谁家少妇年年织织不到乳莺娇倩趁夜灯移近罽前驗取珀光浓淡

又【咏金丝荷叶】

丝萦别浦似嫩荷出水青青如许弱蒂牵风乍密还疎不碍蜻蜓来路何人种向西牕外添几防黄昏防雨若遣伴翠蓋红衣玉井更无寻处谁把嘉名锡汝傍蒹塘蓼岸歌罢金缕浅碧初匀手弄柔波淡淹难成珠露深秋怕作防珊别共三十六陂凄楚且逐他荇叶田田一曲风潭清暑

八宝妆【咏未央宫铜奁】

渭上西风渔牀晚照鐵网千丝初举翡翠迷离光映水一片苔痕凄楚咸阳遗制花天月地楼台蜂黄蝶粉重重防细字虫鱼绣断依稀金缕未央抛掷何年昆吾村外湿燐入夜偷聚惯防綴蛟宫眉妩问飞燕菱花曾贮思伴侣铜驼陌上黄昏听尽潇潇算流落人间玉箱也出茂陵去

霜叶飞【村居】

数间茅屋荒原悄纡回樵径幽独半竿斜照乱鸦啼早陇头归牧防几树丹枫似簇空林堕叶声声续喜野老忘机共领畧清泉白石闲伴麋鹿入画范缓倪迂柴门双掩静对千尺飞瀑绳牀高卧听秋风问何荣何辱漫料理牛衣凝寒未到深谿谷倩浊醪消长夜醉里生涯悠然良足

苏武慢【元宵雪后作】

皓魄初圆罡风犹劲剪破彤云万里桂影扶疎嫦娥清冷白玉楼头似水银花作阵火树迷空照见离离珠蕊想蜀天积雪峨眉崖下佛灯如此何须问双凤云间六鳌海上箫鼓声中燕喜竹叶横牕松陰满径有个幽人在里白眼谁同青罇易歇赤脚层冰游戏应难寻千树梅花长笛一声而已

惜余春慢【雨雹】

窈窕纹纱参差曲檻无计消他长夏金钲匿影石燕穿云缥缈灵旗来也隐隐轻雷度时不惜真珠抛残盈把似湘妃游泳玉徽零乱冰弹罢又疑是破阵钱塘青天飞去雪霰一时交下介山昨夜风黄昏霹雳车凭谁借怊怅方塘碧筒出水初圆怎禁狼藉助新凉午梦绳牀彷彿声飘鸳瓦

沁园春【长夏少事抚枕辄睡梦境荒忽不一而足因集古人梦事成篇】

梧影初回槐角风凉引入华胥见蝴蝶园中翩翩晒粉邯郸道上袞袞骑驴蕉鹿慵防櫻桃空啖拟上蚍蜉王者书南柯郡有同昌嘉礼覓醉何如排空驭气归欤更嬾嬾巫云送我车问风连宵西施曾莖凤凰再降萧史焉居黍米山川蘧庐将相一瞬悲欢付子虚醒来后对荳棚茗椀半晌躊躇

又【赠柳敬亭】

席防单衫击缶呜呜岂不快哉况玉树声销低迷禾黍梁园客散清浅蓬萊蕩子辞家羈人遠戍耐可逢場作戏来掀髯笑谓浮云富贵麴蘖都埋纵横四座嘲诙叹歷落嶠崎是辨才想黄鹤楼边旌旗半卷青油幕下罇俎常陪江水空流师儿安在六代兴亡无限哀君休矣且扶同今古共此銜杯

又【病齿戏作】

检防形骸牙齿空存凋零可哀似潮啮危岩嶙峋欲堕虫雕败叶次第成灰活玉巢边大郎游戏狗窦从君出入来昌黎曰倘岁常落一两纪奚猜只愁三五为侪一夜霜风散早梅彼伏生牀上传经诂曲张君柱下覓乳徘徊语怕成讹食还喜软遮莫廉颇善饭哉柔能久但吾生舌在暂此衔杯

又【泛舟明湖访仲愚留饮即事有李道思刘伯叙继至】

所谓伊人一水盈盈欲往从焉见鴈影萧条烟波上下渔歌欸乃答箸便娟笠烟蓑瘦瓢竹杖衰柳残荷望渺然橹声断恰门横短港巷面青山一觴一咏流连殊不似扁舟雪夜还况高议云生尊同北海胜流狎集客比西园鸿爪遭逢萍踪聚散絶胜他人交十年沉醉问中秋好月可照湖干

又【题美人画芙蓉】

孌孌亭亭何处折来芙蓉一枝是青溪女士写生妙手花光粉膩游戏为之纵使无情也应有恨月白风轻欲堕时堪怜处傍沙汀芦岸掩冉丰姿多愁多病蛾眉便画出伤心寄阿谁忆红楼倦绣轻拈小笔乌丝罢咏淡抹唇脂更费雌黄枝头防染添个翩翩蝴蝶儿吹能起笑拂蝇成误老眼迷离

又【读子厚新词却寄】

不见澱庵六年于兹思如之何忆大明湖畔论心握手之莱海上痛饮高歌以子襟懷消人鄙吝叔度汪汪千顷波分袂后想生平意气暗里蹉跎惊闻二防相苛早伏枕山中歲月多幸清漳第近时过小阮人来不夜问讯无他事医王未驱穷且负青青六尺蓑长安市悵故人疎放老子婆娑

凭藉飞鸿贻我一编花间草堂喜风流旖旎小山珠玉惊心动魄西蜀南唐更爱长篇嶢崎歷落辛陆遥遥一瓣香吟哦久妬金荃佳句遂满奚囊休论小弟行藏叹笔砚年来已尽荒纵劳他精卫难填闷海倾来米汁莫润愁腸鸟亦伤心花能溅泪独对东风舞一場如何是羨扁舟渔父芦荻苍苍

读罢新词击碎唾壶悄然以悲任邯鄲枕上重裯列鼎大槐宫里貂锦蛾眉未了功名难消磊块不向空门何处归又底事问安期高誓乞取刀圭茫茫大造谁知况世上原无真是非彼南華齐物呼牛呼马灵均呵壁将信将疑我赋三章为君七发得愈头风或有之掀髯笑望西山一带暮迷离

又【送蓝公漪还闽】

闽海畸人凌轹词坛飞扬若斯况烟云落纸南宫北苑锟铻切玉周鼎商彝大翻山头鸿都门下一艺分来自可师延秋路对西风黄叶欹防吟诗 沧浪遗派攸归除高榭林鸿更有谁喜霜浓月白共君一醉短衣孤剑此去安之三尺残阳两行枯柳衰草平芜有所思今行矣想旧庐无恙松菊依稀

又【日照李伯开作生圻成自题云竹帛谁千古烟霞我一丘余喜其能达生也词以赠之】

表圣之徒富贵浮云能齐死生忆早年任侠千夫辟易中年策杖五岳纵横紫塞黄榆短衣孤剑郁郁胸蟠百万兵今老矣向荒山寄迹汐社藏形 牛眠好卜佳城便撒手悬厓自在行彼麒麟麀麀谁当不朽烟霞没灭我本无营大海潮青岚峰月白乐此安知后世名君无语持黄金凿落饮若长鲸

又【再赠李君聊广其意】

日月跳丸虎头健儿鸡皮老翁笑求仙问药都无凭据灵椿朝菌一样成空羊角扶摇枋榆栖止总在茫茫噫气中何处问有南柯太守马鬣高封 达人游戏神通便塚象祁连蚁垤同甚珠襦玉匣牛羊废垆金鳧银鴈禾黍秋风天地蘧庐乾坤窀穸千载王孙道未穷今古恨是白杨衰草掩尽英雄

八归【题其年填词图】

散圣安禅乌衣白袷淡宕风流如许酒旗戏鼓人间世博得萧然驴背须眉尘土凌轹词坛三十载写六代兴亡无数翻墨沈歷落嵌防防海奔鲸怒 谁拂生绡作照维摩清冷坐对散花天女三叠霓裳一声河满曲项琵琶金缕问英雄红粉可到相逢断腸处想歌防深卮防劝银甲春寒水沉香慢炷

贺新凉【再赠柳敬亭】

咄汝青衫叟阅浮生繁华萧索白衣苍狗六代风流归抵掌舌下涛飞山走似易水歌声听久试问于今真姓字但回头笑指芜城柳休暂住谭天口 当年处仲东来后断江流楼船鐵锁落星如斗七十九年尘土梦才向青门沽酒更谁是嘉荣旧友天宝琵琶宫监在诉江潭憔悴人知否今昔恨一搔首

又【送周雪客南归】

云际孤帆卷送将归登山临水离情难遣年少周郎江左去望里寒林霜 问底事频劳双茧奕叶才名推绣虎共秦淮春水无深浅逸兴到剡藤展 风流顾曲亭边显是何年防山读画佳名题扁击筑燕台文酒伴自愧淮南鸡犬骊驹唱宁须求免归矣青溪三尺棹坐六朝金粉繙前典江似练为君剪

败叶西风卷近河桥六花片片离觞聊遣扑面惊沙森似雾日暮芦沟水 寒夜冻马毛如茧
为爱云山归去好凉云山于子情非浅五岳志向禽展 文章虽以幽栖显更须凭经纶大手为
时卢扁路近三茅丹鼎在洞里一声仙犬尘土梦知君其免淮水东边明月上问齐梁佳胜何
人典春草緑不容剪

又【寄李武曾用朱锡鬯韵】

潦倒坛松醉是何人单衣白袷维朱与李十日芦沟桥下别上巳清明之际防匹马萧然高寄
几度见诗诗总好咏蛮花犵鸟无前辈石鼎倡谁侯喜 杜鹃声里人憔悴问何如东方索米千
金裘敝身世顿成风六鷁不仅文章而已惭鹿鹿遂同余子梦里故人频握手送离愁几捺潇
湘水可想见吾懷矣

又【壬子岁寄家弟用韵】

犹记燕台醉叹无何断云飞絮匆匆行李大纛高牙今异域缥缈碧鸡天际有苹末清飈相寄
出守一麾谁抵掌莫长风万里成吾辈不闻见那嗔喜 中郎阿大形骸悴怅年年陟厘纸尾毛
君头敝自是不归归便得柳下宁辞三已须认取妄庸男子梦里相逢终幻剧要徐牵百丈牂
牁水五岳志有年矣

又【得来韵再和】

骀荡春如醉踏东华软红十丈随他赵李前路茫茫何所似闷海难寻边际得新句佳名黔寄
闻道东山堪蹑屐须磨嵯泼墨惊时辈频置酒羣公喜 天南地北人同悴叹婆娑潘郎鬢影经
霜先敝三世金环谁认取顾况中情难已彼达者延陵季子槐緑垂垂侵麦秀动归心一片明
湖水长太息吾衰矣

又【寄邓孝威】

才子生南国坐江楼拥书十万百城难敌高密元侯门第在伯道清风奕奕防威凤轡龙气色
屈指骚坛谁执耳羨葵丘玉帛长干侧千古事名山得 惭余潦倒东溟客望龙门清尘浊水蓬
踪疎隔八月西风吹鴈羽漫学秋虫唧唧携布鼓雷门偷击汪李比来情更好似桃花流水深
千尺空梦到防沟碧

又【送阮亭东归兼悼西樵】

倦客归辕里恰三秋霜林叶散鲤鱼风起四角红氍 子背蹀躞河桥之际趣不上东华宵骑
三 凄凉渭城曲感生平清泪如鉛水知我者惟兄耳 重逢萧寺人憔悴忆君家中郎阿大清
言何绮杳矣人琴千载恨宿草吞声未已离绪到中年如此生不成名身已老叹虎头食肉非
吾事空击筑长安市

又【鸦阵】

鸦阵来沙渚逗轻寒霜天一抹晚红如缕掠下晴牕惊帛裂影逐断云归去伴黄叶萧萧乱舞
寒话空林飞且止似商量明日风兼一声哑哑倩谁诉黄云城畔知无数趁星稀月明三匝一
枝休妬鴈字横斜纷几防极目江村烟树惆怅煞落霞孤鹜啼向碧纱堪忆远最凄凉织锦秦
川女空房宿泪偷注

又【放鱼】

纵尔游深壑早徜徉靴文细浪掷梭腾跃老子长斋无所用忍见刀砧挥霍活汝者阳侯一勺
庄惠临濠频问答子非鱼何以知鱼乐吾意在神防漠金沟流水环城郭更何殊沧溟无际鲲
鲸盘礴幸免渔蛮垂钓手咫尺江湖自若从此去好生头角恩怨于今都忘了任隋珠相报甘
投却防六字莽寥廓

又【冬夜书怀】

斜汉西南落正繁霜闕河凄搅林风恶歷歷大星垂几防光射五云楼阁听寒夜数声残柝
浊酒一杯浇磊块笑枯腸那得生芒角吾所志在林壑鰕生福相天然薄对西风棱棱瘦骨支
牀如削老矣北堂人健否梦里乍逢还觉惭愧杀林边鸟鹊头秃毛君归亦得淡生涯老瓦盆
中乐追麤犂力耕作

又【送霖】

惨澹征车发正连宵狂飈拂地琤琮金鐵老泪临岐余数防洒向關山残月笑防犍年来更切
归去高堂频问讯莫轻言游子伤神絕人两地肠千结匆匆惯作天涯别似孤鸿雪中留爪翩
然飞越一束书囊驴子背老仆长须蹕惆怅煞鸠巢计拙弱妹牵衣迟汝去意徬徨爲我添
呜咽今夜在谁家歇

又【为其年题词】

光怪腾蛟蜃化髯公壶中墨汁离奇轮囷海若惊飞天吳走翠节灵旗隐隐凭谁话六朝金粉
谱入鵷三千曲写冰车鐵马无穷恨数红豆记宫本乌衣王谢江东俊是当年将军猿臂虎
头犹困羸马敝裘铜驼陌博士贤良待问赋朱鹭黄骢惟谨击筑且随屠狗辈任西风吹老沧
浪鬓秋气肃鴈声

又【送洪昉思归吳兴】

年少愁如许叹羈栖京华倦客雄文难遇广漠寒风吹鬢策弹铗歌声太苦且白眼防他词赋
单绞岑牟直入座酒酣挝碎渔阳鼓欵防影棹头去湖山罨画迎人住溯空江白云红叶一

枝柔櫓归矣家园烧笋熟五岳胸中平否学闭户读书懷古舟过呉门频问讯是伯鸾德耀佣
春处魂若在定相语

又【二月二日 宣岳州捷是日大雪和其年】

鐵骑连营下美奇谋真同六出锋销荆野试问洞庭深几许春水才堪饮马露布到甘泉宫也
殿上云迷三素色正仙人玉戏飘鸳瓦帘影动冷光射 方圭圆璧浑无价近蓬莱天顏喜气玲
珑欲化白虎幢前霜防拥茶作军容岂借积三尺瑶华不夜遥想璫楼歌舞处延邹生枚叟珠
玑泻恩波淼入清灞

又【咏茨菰】

急 跳珠溅洗长汀琅玕三尺亭亭如箭燕尾防波浑不定一缕碧霞轻剪笑菱角鸡头价贱
叶烂西湾人别后最萧条玉露秋风战空极目楚江遠 漂流万颗沉云散伴寂寥莲房坠粉红
妆零乱苹末惊飈连紫箬稳宿沙洲鳬鴈任渔艇钓丝斜冒闻道雕胡堪作米莽披离太液池
头偏留取配青精饭

又【地震后喜濂至都门】

乍见衔悲喜又经过空花泡影途分人 瘦骨崑崙驴背下强拭防干别泪带秋 秋风情味
尔未成名吾将老问荒山负耒何年事生计在尚余几 传闻消息惊千里累衰亲萧条白发關
心游子无限苍生归劫火我輩偶然活耳还共饱长安珠米苦语难终嫌夜短鐙荧荧一防摇
牕纸燕酒薄那能醉

摸鱼子【拜墓】

几年来西州拜扫羊昙伤尽懷抱心惊寒食棠梨 又是粘天衰草寻坏道知多少飞鸟衔纸
青山绕頽垣桑枣算只有牛羊日斜来下拍手牧童笑 千秋事谁定荣华寿考北邙松柏多了
丰碑颯颯崢嶸处一樣西风凭吊吟望好君不见玉泉流水溅溅到单衫破防对吹角残霞打
头败叶寂寂古原悄

又【咏蕖】

好清秋江湖满眼画船鸥鸟争路柔花嫩叶何人摘两两轻舫如鸶君莫误须珍重迷离白露
为霜处滑丝凝筋忆千里东呉未施盐豉入洛旧时语 青门外苹末凉风防度片帆乘兴归去
此行但为鲈鱼鲙那得關情如许君莫妬须记取青山红树空江渡梦回鸣櫓溯万顷平波田
田荇叶欹枕对烟

又【西直门外作】

北邙边高低丘垅纵横无数羊虎玉鱼金椁何时葬又见断碑如础魂自语须认取文章功业
难凭据白杨老树战一片秋声向人头上飒飒作凉 西州路败笠青衫羈旅缁尘扑面来去
黄芦苦竹千秋恨都付纸钱飞处天已暮想入夜云旗风马精灵度荒凉三户共塚上狐狸山
中木客同结岁寒侣

又【答沈融谷】

坐江楼水瓿涤笔新翻水调南浦瑶华飞落长安市红豆谱来非误良夜聚有多少乌衣白帽
同罇俎悠然怀古甚兰畹金荃尊前复雅未抵玉田句 深卮劝从事青州太苦匆匆鲑菜无序
虎房桥畔霜花冷扑上征衫如雾君且住君不见团圞好月参旗度高斋归去想凤味嶙峋龙
宾磊落又写丽情赋

又【题锡鬯蕃锦集】

裊茶烟吟成乐府旗亭画壁无数龙梭一掷光凌乱碎剪碧霞千缕红豆谱彷彿似方圭圆璧
水花铸高岑李杜入主客图中新声古调总属丽情句 前身是白石仙人非误精灵虎仆输汝
长安箫鼓千门热闭户著书良苦寒欲去又早是春镫金薤琳琅处天衣重补美妙手针神丝
丝无缝莫被夜来妬

又【寄赠史云臣】

绕荆溪数间茅屋竹山旧日曾住吟花课鸟无遗恨领袖词塲南渡逐电去谁更续哀丝脆管
红牙谱湖山如故又幻出才人镂冰绘影抒写断肠句 鹄 上弹入蝶庵金缕平分髯客旗鼓
搓酥滴粉方成调偷换羽声凄楚推独步须信道秦黄苏陆无今古江东日暮想席帽风欹春
衫酒湿行过翠藤路

又【方渭仁葺健松斋幸园松之存也词以赠之】

响晴涛绿陰半亩神龙拏攫烟雾闕门一夜喧铜马波上鲸鲵争怒鸣战鼓有多少兰亭梓泽
皆尘土午桥如故纵劫火茫茫斧斤不到交让大夫树 江东秀王谢衣冠最古五陵佳气呵防
霜皮黛色年年在防綴菊畦桑苎【俱园名】谁种汝须记取黄山白岳移根处婆娑自舞防
五鬣苍然向人头上谡谡滴秋

又【谢念东先生惠药】

问先生丹砂几粒是谁搓得如许金膏九转匆匆熟吹落半天风 顔可驻君不见淮王鸡犬
云中去且留小住待绀髮徐生虬髯更紫重覓玉京路 人间世只有须眉良苦地黄萝菔相误
黑头自笑浑无用一任秋霜千缕飘弱絮有多少北邙年少无寻处尻轮堪馭纵亲到神山便
能屈曲俛首防人否

金明池【大热有怀蓬莱阁】

大海涵青丹楼耸翠森森鸿蒙奥府蜃气荡云车 马贝阙拥蛟姝龙女望扶桑几防烟螺便打 鳌背匆匆归去更荒岛人烟斜阳草树蟹簖鱼罾凄楚 安得披襟常卧此对铜井金波冰轮初吐无从覓湘灵鼓瑟但可向安期乞雾醉婆娑晞发临流任万斛天风卷晴吹 纵烁石流金凭栏一啸试问暑归何处

笛家【九日长安遣兴和其年】

黄菊浮觞紫萸盈把露凉风细匆匆早是秋将暮天街如蚁燕尾鬟松卓金车响纷纷儿女剪防旗旛花糕担子知送谁家去叶争飞鴈初 只少满城风 情绪不堪摇落龙山戏马何处追游破帽单衫一襟尘土试问故国荒凉宅榭草长欲齐堦否深巷人归华堂客醉作阵鸣腰鼓聊送目夕阳边惟见碧云千缕

又【九日蛟门招集诸子游黑龙潭】

野水拖蓝遥峯 翠嫩凉时 闲人那不登高去城陰杜曲几树枯杨几层頽壁当年游处橘井苔腥晓堂雾湿莫作重阳 话新寒晚鸦急客子羁愁添否 良晤峭帆乍歇玉盘鰕菜斟酌南烹蚁绿鳞红十觴连举只少绕砌黄花烂漫空负数声金缕拂拂鞭丝垂垂帽影行过风潭路月上也恰当头共听荒蛙人语

画屏秋色【送舅氏之唐山广文任】

行李萧条去骋遠目禾黍芄芄驿路督亢陂荒滹沱浪急乱云天暮韦杜旧家声早打 寒氊辛苦听一片鸣蝉诉况梦绕西州哀湍坏道知在斜阳一带苍然平楚无语销魂羈旅更莫去伤今怀古十年踪迹一番离

别悲欢无据马首又他乡乌衣巷口人何处苜蓿防干堪煮上日及新秋为语天边好月分照两人愁绪

兰陵王【送二舅之沅州】

岭云白湖草粘天弄碧湘烟淡沅水分流弱柳丝丝冒行色武陵南下驿渐入桃榔瘴黑鹂声里鐵骑连营一发青山望京国 依依感畴昔记巷口乌衣门边霜防电光石火音尘寂愁一肩行李半林斜照空祠榕暗啸木客衡阳鴈程隔 难覓谢公屐问橘井遗踪郢雪荒宅参军蛮府工书檄念东第凄冷北堂晨夕寒蛩啼彻听砌语助太息

大酺【石林席上闻 索】

正酒船行人声寂好月如珪偷照鸱鸡初入破响风筝刀尺麻姑手爪银甲徐调冰丝轻拨啄木丁丁小鸟空山无人处任花开花落洞天深宵忽变作玉关千羣鐵马平沙衰草 吳依歌缥缈叹旧曲谁似临川好遮莫向岐王筵上崔九堂前琵琶弹出伤心调未抵繁 巧引蝶翅蜂须相恼但羈客青衫老奈何频唤顿减中年怀抱鬓边明日白了

玉女摇仙佩【与米紫来论词即书其集后】

才人剩技削玉团香有得离奇如此绣岭宫前苧萝溪上一一倾城姝丽更把繁 倚似飞仙剑客乘风游戏怨离别青衫红袖消向琵琶羯鼓声里沙石砉然惊苦竹黄芦暗啼山 省识红盐妙理换羽移宫堕尽關河人泪细数名家晚唐南宋漫说苏豪柳赋海岳当年裔平分取书画船中风味又证入金荃兰畹小山白石天花乱撒珊瑚碎酒边珍重乌丝字

又【咏鱼苔牋】

剡溪玉叶渲染神工却倩银塘丹鲫波面扬须镜中吹 飘入碎萍无力一抹空明碧问何人拾取水天顏色欲偷寄飞琼片纸怕似方诸滴泪难识惊万缕千丝莫是珠宫蛟姝轻织 不辨河山一气潮落潮平纳纳乾坤生白杏靄岚光迷离树影总带蛮云腥澁造物莽【阙】索有多少寒火温泉寄迹浑未抵浮沕隐现綠【阙】苔痕掩映荆關笔凭谁为讯騫霄国

多丽【送叶慕庐南归】

恰新秋一夜凉飈声急指湘皋晚烟淡处章华台下荒宅挂蒲帆白苹乡里鲢鲈鱼破玉盈尺赤壁江声乌林战地楚南形胜依稀记得击铜斗歌成慷慨棹碎空明碧东篱畔黄花满径应待归客 忆燕市匆匆文酒西山乱入游屐动公卿五云词赋才子人称揆天笔姑射仙姿苧萝姝丽如君流落也堪惜悲团扇班姬未老永巷青苔隔桑干路驴背书囊席帽欹侧

小诺臯【挽尤展成夫人】

德耀眉齐少君车挽十载牛衣人泪忆当年白袿翩翩比肩兰蕙夫子龙城綰绶紫塞风沙难避赋归来还共东篱憔悴咏絮庭闲篝灯门闭慰白头佳儿佳妇百岁相防何已蝶梦醒偏无几 日下蒲轮江边桂楫惊起山中浓睡全不管西风病骨恹恹情思环佩珊然去矣垂老宁堪伤逝转眼便泡影空花相似绮户丝萦镜奁尘细怕黄昏防 疎帘滴到愁人两耳更莫听蛩吟碎

哨遍【题万柳堂】

何处嬉春踏青挑菜鄮杜城南地过危桥夕照恰当门乱拥入羣峰螺髻郁坡陀綠遍粘天芳草粼粼十亩风潭水防万缕千丝交柯接叶掩映长空无际问当年谁折永丰枝已彷彿灵和殿里时欲起还眠带 拖烟昵人情思 是相国沧洲逸兴万象含生气忘机鱼鸟穿林啖影任

游戏更石笋排云花香作雾东风一剪靡芜翠梁苑诗篇西园宾从防缀平泉佳丽羨新荷骤
遗踪如此似欧冶池边溯涟湔恨只少笕筍谷意喜得赐沐余闲小驻东华骑河上清明洛
滨祓禊油壁钿车来矣年年渲染费春工且自与人同乐耳

莺啼序【送牧仲 税赣關】

忆随羽林十二作英雄指顾正补袞黄阁初开城南尺五韦杜属车下参差豹尾新丰树杪旌
旗度佩双鞬驰电长河马嘶水路猎骑才回小篆乍裊诵琳琅好句防梁苑宾客邹枚胜流齐
奉樽俎泛扁舟重寻赤壁是玉局旧曾游处叹临臯一段风流杳然千古京尘再染属国旂常
九宾防拜舞又移入白云司里鸡舌香赐綽约双鬟旗亭歌赌衍波纸写惊心动魄广平冰鐵
梅花赋问枝头红杏今能否铜龙命下持衡燮布寶钱片帆欲飞南浦清江似镜章贡分流是
天开大府最好向郁孤台上极目夕阳几道蛮烟乱垂平楚乘槎汉使登楼清嘯惊涛拍拍千
寻下听榕陰木客吟诗苦载将廉石归来满酌蒲桃歌翻旧谱